

ইনভেস্টমেন্ট কর্পোরেশন অব বাংলাদেশ

প্রধান কার্যালয়, ঢাকা।

বিশেষ সভার বিজ্ঞপ্তি

আইসিবি এএমসিএল ফান্ড মিউচুয়াল ফান্ড-এর সম্মানিত ইউনিট ধারকগণের অবগতির জন্য জানানো যাচ্ছে যে, আলোচ্য ফান্ড স্টক এক্সচেঞ্জসমূহে তালিকাভুক্তির তারিখ থেকে ১০ (দশ) বছর পূর্ণ হতে যাচ্ছে বিধায় ২৮ সেপ্টেম্বর ২০১৩ তারিখে অবলুপ্ত হবে এবং উক্ত তারিখে ফান্ডের লেনদেন বন্ধ হয়ে যাবে। সিকিউরিটিজ ও এক্সচেঞ্জ কমিশন (মিউচুয়াল ফান্ড) বিধিমালা, ২০০১ এর বিধি ৫০গ অনুযায়ী “কোন মেয়াদী ফান্ড বা স্কীমের বিশেষ সভায় উপস্থিত অন্যান্য তিন-চতুর্থাংশ ইউনিট মালিকগণ স্কীমটির রূপান্তরের পক্ষে প্রস্তাব গ্রহণ করিলে কমিশনের অনুমোদন সাপেক্ষে মেয়াদী মিউচুয়াল ফান্ডের স্কীম অথবা স্কীমগুলো বেমেয়াদী স্কীমে রূপান্তরিত হইতে পারে।” উল্লেখ্য যে, উক্ত বিধির আলোকে আলোচ্য মেয়াদী ফান্ডকে বে-মেয়াদী স্কীমে রূপান্তরের জন্য প্রয়োজনীয় সংখ্যক ইউনিট ধারকগণ হতে মতামত পাওয়া না গেলে প্রয়োজনীয় আনুষ্ঠানিকতা সম্পন্ন করে ৩১ ডিসেম্বর ২০১৩ তারিখের মধ্যে সংশ্লিষ্ট ইউনিট ধারকগণকে তাঁদের প্রাপ্য অর্থ প্রদান/বিতরণ করা হবে। আলোচ্য ফান্ড রূপান্তরের লক্ষ্যে ইউনিট ধারকগণের মতামত গ্রহণের জন্য হোটেল ৭১ (আম্রকানন ক্যাংকুয়েট হল), কাইজউদ্দিন টাওয়ার, ১৭৬, শহীদ সৈয়দ নজরুল ইসলাম সড়কী (পুরাতন-৪৭, বিজয় নগর), ঢাকায় আগামী ১০ অক্টোবর ২০১৩, রোজ বৃহস্পতিবার, বিকাল ৩.০০ ঘটিকায় নিম্নোক্ত কার্যাবলী সম্পাদনের নিমিত্তে বিশেষ সভা অনুষ্ঠিত হবে :

- (১) মেয়াদী হতে বে-মেয়াদী স্কীমে রূপান্তরের সিদ্ধান্ত;
- (২) ফান্ডের সম্পদ মূল্যায়নের জন্য নিরীক্ষক নিয়োগ।

ইনভেস্টমেন্ট কর্পোরেশন অব বাংলাদেশ (ট্রাস্টি) এর আদেশক্রমে,

দিলরোজ হাবিব

উপ-মহাব্যবস্থাপক

ফোন - ৯৫৬১৪১৯, ০১৮২০-০৬৮৬৯৬

তারিখ : ১৯ সেপ্টেম্বর ২০১৩।

বিশেষ দৃষ্টব্য :

- (১) অবলুপ্তির তারিখ অর্থাৎ ২৮ সেপ্টেম্বর ২০১৩ তারিখে যাদের নামে ইউনিট থাকবে তাঁরাই ফান্ডের ধারক হিসেবে বিবেচিত হবেন এবং ভোট প্রদানের ক্ষমতা সংরক্ষণ করবেন;
- (২) প্রক্সি নিয়োগপত্র লিখিতভাবে হতে হবে এবং প্রত্যেক ইউনিট ধারককে নিজ হাতে অথবা ক্ষমতা অর্পণপত্রের মাধ্যমে ক্ষমতাপ্রাপ্ত আইনসম্মত প্রতিনিধির মাধ্যমে এবং প্রতিষ্ঠানের ক্ষেত্রে সাধারণ সীলমোহর অথবা এ উদ্দেশ্যে ক্ষমতাপ্রাপ্ত আইনসম্মত প্রতিনিধির মাধ্যমে তা সম্পাদন করতে হবে;
- (৩) প্রক্সিপত্র আইসিবি'র ট্রাস্টি ডিপার্টমেন্ট থেকে সংগ্রহ করা যাবে অথবা আইসিবি'র ওয়েবসাইট (www.icb.gov.bd) থেকে ডাউনলোড করা যাবে;
- (৪) প্রক্সিপত্রে অবশ্যই তারিখ উল্লেখপূর্বক প্রয়োজনীয় রেভিনিউ স্ট্যাম্পসহ সভার নির্ধারিত সময়ের অন্ততঃ ৭২ (বাহাত্তর) ঘণ্টা পূর্বে আইসিবি প্রধান কার্যালয়ের ট্রাস্টি ডিপার্টমেন্টে জমা দিতে হবে, অন্যথায় তা বৈধ বলে বিবেচিত হবে না;
- (৫) ইউনিট ধারকগণের বিশেষ সভায় অংশগ্রহণযোগ্য যে কোন ইউনিট ধারক তাঁর দপক্ষে বিশেষ সভায় অংশগ্রহণের জন্য প্রক্সি নিয়োগ করতে পারবেন। তবে ভোট প্রদানে যোগ্যতাসম্পন্ন নন এমন কোন ব্যক্তিকে প্রক্সি নিয়োগ করতে পারবেন না।